



Le Signur é mia löm y mia salveza.

La ploania d'La Pli á tut comié da **Stase Terza** (+ 18.02.2017, 88 agn) y ti fej les condolianzes ai familiars por la mort dla so. La vita eterna dáí, Signur, y confortela con to lominus.

Funziuns liturgiches de Carsema:

lönesc: de d'**oraziun personala**
 dedemesaledema:..... funziun con les **Staziuns** (Eres, Joneza, Ei, Crejimanc)
 jöbia: **santa messa** por i crejimanc y scolari dla mesana
 vendres: 3 de merz y 7 d'aorí, **santa messa** dal pröm vendres
 10 de merz, **funziun penitenziala**,
 17, 24 y 31, de merz **zelebraziun dla Parora de Dio**
 domegna ai 2 d'aorí:..... **Via Crucis** con grups y uniuns.

1 enformaziuns y termins

KVV: le KVV envieia ala 49^a encuntada dles porsones vedoes y sores de dōta la diozeja en domegna ai 12 de merz ales 9:30 t'Academia Cusanus a Porsenú: santa messa con signor Josef Stricker y referat de Christine Wunsch "Leben nach Wunsch: Wenn du glücklich sein willst, dann sei es!" Do marena cina les 15:00 aorela cōrta. Le bus peia ia da Longega ales 7:45; le iade é debann, la marena costa 17,00 €. Prenotaziuns cina ai 8 de merz pa Maria de Ierghete ☎ 0474 501322.

MareoDēida: ai 13 de forá é gnü motü sō ofizialmonter l'assoziazium "MareoDēida". Ara se trata de na lia do l'ejompl dla Banca dal Tomp, olache porsones pīta y se barata fora sorvisc, scüfs, de pici aiüc, co ven "paiês" con tomp. Por podei s'anüzé de cōsta sort nea de "bona vijinanza", vál debojügn da ester membri. Se scrí ete ne costa net nia, mo al vá debojügn da scrí fora na domanda d'amisciun, pa chera che al é da dé dant i sorvisc che an pó pité, desco ince chi che an ciáfass ienn. Les domandes ciafun y é da dé jō tal ofize anagrafa dal Comun. An pó ince le desciarié jō sōn la plata internet www.comun.mareo.bz.it Enformaziuns pl'assessuria Elisabeth Frenner, ☎ 338 8755312 o pa Zilia Ellecosta, ☎ 340/8318395.

Curs por patrones: l'Union dles Patrones de Mareo organiseia en curs da fá n fotoalbum digital con Gustav Frenademez, i lönesc ai 24 d'aorí y ai 8 de ma, dales 20:00 ales 22:00 tla scora mesana d'Al Plan. Enformaziuns y prenotaziuns pa Agata, ☎ 338 7704094 o scrí sōn Whatsapp.

Ocio: le **dotur Aldo Marocci** lascia alessei che en dedolönesc ai 28 de forá (carlascé) sarál dales 8:00 ales 11:30 t'ambulatorio, empede domisdé.

Comun de Mareo: dal 1 de merz gnarál müdé i orars de daurida dal Comun: lönesc, dedolönesc, jöbia y vendres dales 09:00 ales 12:00, dedemesaledema dales 08:00 ales 12:00 y dales 15:00 ales 18:00. Al ven perié da se tigni a chisc orars.

Dōt le bun a: düc chi co á santennom y compless i agn cōst'edema

Impressum: Ploania d'La Pli; redaziun Franz Rigo y Edith Willeit
Comunicaziuns cina al **dedemesaledema** sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Che fistidieia pa de nos?

☞ **Is 49, 14–15 | 1 Cor 4, 1–5 | Mt 6, 24–34**

Dal Vangelo do San Mateo:

Gejú dit a sū discepui: [...] No stede a se crüzíe por osta vita y ch'i eise ben da mangé y gnanca por osc corp y ch'i eise ben da se iestí. Ne n'é nia forsc la vita plü emportanta co le nodrimont y le corp plü co le iestimont? ²⁶Ciaredi pro ai vicí dal ci: ai ne somena nia, ai ne racöi nia y n'abina ete nia tles majuns: osc Pere tal ci i nodresc. Ne valeise os nia tre deplü co chi? ²⁷Chê de os é pa bun con düc sū fistidi da arlungé sōa vita ince ma de na spana? ²⁸Y ciodi se crüzieise pa por osc iestimont? Emparede dai gili, co cresc sōn ciampopré: Ai ne laōra nia y ne fira nia. ²⁹Mo i ves diji: Cinamai Salomon n'ea te dōta sōa gloria nia iestí desco önn de chi. ³⁰Sce Idio iest belo con tan de richeza l'erba, co é encō sōn ciampopré y co ven endoman sciürada te fū, tan deplü pa spo os, jont de pücia fede! ³¹No stede a se crüzíe y a damané: Ci désson pa mangé? Ci désson pa bere? Ci désson pa se iestí? ³²Deache de cōsc vara pro i pagans. Osc Pere tal ci sa ch'i eis debojügn de dōt cant cōsc. ³³Pro os déssera naōta jí dal regn de Dio y de sōa iustizia; y dōt l'ater ves ven dé lapró. [...]


I ponsun do

La porsona adora speisa, n'abitaziun, sügherté por le post de laur, formaziun y liberté. Val iade messunse endere ince constaté che i sun influenzés dal "orei avei" y che i scioldi é n idol co s'á tles mans. Gejú descrí la porsona co se sont al sogü pa Chelbeldio. Cōsta porsona reconesc con le passé dal tomp, che Chelbeldio ciara dla porsona ince sce al an ne le sont magari nia. Te cōsta convinziun pó spo la porsona chirí i valurs dal Regn de Dio: amur, comunité, speranza y fidanza.

I periu

Bun Dio, tō se das la vita y les scincundes dla tera. Fá ch'i ne se desmonciunse nia de te y de to regn, pa düc nüsc festidi ch'i se fajun por cōsta vita, y ch'i sunse bogn da partí con i atri. Por Crist, nosc Signur.

Wilhelm Egger "Sonntagsbibel"



☞ **Letöres dla Prōma domegna de Carsema:**

Gen 2, 7–9; 3, 1–7 | Rom 5, 12–19 | Mt 4, 1–11

Edema liturgica dai 26.02. ai 05.03.2017

DOM 26. 08:30 10 y 18	8. domegna ia por l'ann gran messa por dōta la ploania 3. s.m. de sopoltōra por + Anastasia Terza, André corona dla comunité s.m. a Al Plan	<i>Ulrich, Metilde, Ottokar y Adalbert</i> <i>oferta por i debojūgns dla ploania</i>
Lön 27. 07:30	<i>Marchward, Iulian</i> s.m. a Al Plan	
Ded 28. 07:30	<i>Roman, Silvana, Oswald, Antonia</i> s.m. por +ti Vittoria y Mario Rubatscher, Framacia	
Dem 01. 18:00 ► 19:30	CAPIUN, al met man le tomp de Carsema Albin, Davide, Teresa de de jain y astinonza dla cern s.m. con imposiziun dal cender a Al Plan s.m. por + Berto Ellecosta, Longega s.m. por + Massimo Topran Cutin, La Plì benedisciun y imposiziun dal cender	<i>Albin, Davide, Teresa</i>
Jöb 02. 19:30	<i>Agnese da Prag, Ines, beat Carlo - de d'oraziun do vocaziuns</i> s.m. por + Jep Rigo, Rara s.m. por + Josef Kosta, Longega	
Ven 03. ► 18:45 19:30	pröm vendres - de d'oraziun dles eres signor ploan va a proveder poscibilité da se pissié s.m. por + Iustina Agreiter ved. Maneschg, Framacia funziun al Sacher Cör	<i>Cunigunda, Tobia, Friedrich</i> <i>astinonza dla cern</i>
Sab 04. 18:00 19:30	<i>Casimir, Rupert</i> s.m. prefestia a Al Plan s.m. prefestia por vis y +ti dla familia Burchia, Val s.m. d'aniversar por + Maria Ellecosta ved. Erardi, Marò s.m. d'aniversar por + Isidor Ploner y por + Anna Ploner, Plazores	
DOM 05. 08:30 ► 19:00 10 y 18	Prōma domegna de Carsema domegna dla dlijia te ciasa gran messa por dōta la ploania y devoziun a Santa Maria les ciampanes envieia al'oraziun te familia s.m. a Al Plan	<i>Oliva, Dietmar</i>
<i>ampola:</i>	por la familia Ellecosta, La Costa	
<i>ministronc:</i>	► da doman y domegna: Nadia Trebo y Alexander Comploi ► da sera y domegna: Vanessa Pedevilla y Anna Peslalz	
<i>i recordun:</i>	Maria Anna Ellecosta ved. Erardi Isidor Ploner	+ 03.03.2015 + 03.03.2012

Fá deplü fora dla Carsema – aziun dl'Unité Pastoral Val Badia



“Fá empara! A ci podessi pa renunzié?”

é le moto dla aziun de Carsema 2017 (Aktion Verzicht - Azione lo rinuncio) sostignida te Südtirol da ben 59 organisaziuns y assoziaziuns. La Carsema é n bun tomp por ponsé sora sòn nüsc comportamonc, sòn la valüta dles cosses, sòn l'emportanza dai raporc, sòn nostes esageraziuns, sòn ci co se fej bun y ci co se fej mal, sòn ci ch'i podesson fá atramonter.

L'Unité Pastoral Val Badia envieia vignönn y vignōna a fá deplü fora dla Carsema. Jenn fora da na parora dal vangelo dla domegna metunse dant edema por edema na proposta concreta por valorisé danö la ligreza y la speranza liada ala Bona Noela (desche la Sinoda se met dant). Les postes pó samben gní destrates fora tal tomp aladö dles dezijiuns personales y valch romagnará, pó ester, por tres ... a ben de nos enstesc y ince dai atri. Vigne eté é cherdada te söa maniera a “fá empara”! Les esperionzes pó gní partidas con i atri les publichegn sòn la plata facebook (Gruppe: Aktion Verzicht - lo rinuncio) o internet (www.aktion-verzicht.net).



Canche te preies, vátan te töa ciamena y sarete daete“ Mateo 6,6

I peii ia da me enstessa/enstes, i prói da odei co ch'i mo sta, da capí ci ch'i adori veramonter, ci co mo fej bun y ci co mo fej mal; enciö pói spo jí fora y ester gherm por mia familia, por la comunité, ... por i atri.



La pordica dla munt cuntada ai mituns (6)



Dal amur por i nemisc

Gejú á spo dit ennant: I eis belo en iade aldí ch'i desses i orei bun a chi co s'ò bun. Chi co se fej de mal endere, ne desses nia avei ienn. lu endere se diji sen ch'i desses ti orei bun a dōtes les porsones – ince a cheres co se fej de mal. Fistidiesse dandadöt por cōstes porsones. Ares s'adora. A eres desses ti mostré ch'ares ven amades, che le senn pó gni rot. Nosc Pere sö al Ci ti ô bun a dōtes les porsones. Y cōsc messeise os i mostré. Sce i ti oreis bun ma a chi co s'ò ince bun a os – ci fajeise pa de particular? Os desses ester atramonter y ti orei bun a düc, ince a chi co ne s'á nia ienn.

S'arjigné ca al Bato: l'Union dles Eres Catoliches dal decanat envieia düc i geniturs co á na creatōra da bacé, pers co aspeta, toc y totes, ala preparaziun dal Bato en **sabeda ai 11 de merz** dales 15:00 ales 17:00, te salf de calogna a **Al Plan**. Prenotaziuns, ☎ 328 0717796.